

## 我上愛唱的囡仔歌

天烏烏，欲落雨…這條歌就是我上愛唱的一條歌，逐擺我若是心花開的時陣..喉嚨就會擦擦..就會開始唱這條歌..我嘛無知是按怎.見唱就是唱這條..阿爸講這一切攏是我的台語老師的責任啦..伊教了傷好..共天烏烏這首歌訓練甲魔音傳腦..傳入去我的頭殼內地啊..

若照阿爸按呢講..是足有理耶..會記得有一擺.佇咧上台語課的時..台語老師足有耐心..一遍一遍一直唱..阮全班就綴伊 uān-nā 跳 uān-nā 唱.歸節課鬧熱滾滾..聽候大家攏會曉唱了後.我煞擋袂牢.連放學仔返來厝裡..嘛擱一直哼〈hainn〉.因為我感覺這條歌有夠好聽的啦..我若唱起來就感覺足輕鬆.歌詞嘛足古錐.身軀就一直想欲扭起來.仙聽就聽袂 sian.. 仙唱就唱袂厭..

我會記得我當開始咧唱的時.規傢伙仔攏呵佬我有夠<sup>敢</sup>講我的歌聲袂輸予江蕙呢〈周杰倫〉..予我愈唱愈興.對家己愈有信心.聽起來我的歌喉..比阿妹〈周杰倫〉擱較搖滾呢..無過唱到落尾.哼甲予阿嬤擋未牢..煞共我講：「莫擱唱阿啦..阮古早若像你按呢..就拚罵喙齒咧痛喔！」哎哟..阿嬤.我嘛是孤不二終..喙就不知不覺一直哼出來.

上予人生氣的. 是阮班. 上搞怪的彼個阿杰仔.. 毋知去陀位學到一句罵人的台語. 講我是狗聲乞丐喉.. 老師叫伊來罵罵咧.. 才知影伊嘛是返到厝裡唱無咧煞.. 個厝邊予伊吵甲欲死. 就罵伊是狗聲乞丐喉. 原來這句壞聽話是伊峯罵才學來的. 真正是好的毋學.. 串學. 就是學一寡仔阿里不達. 有的無的. 莫怪阮老師定定講伊是矮人跔壁. 欠梯. 雖然唱這條歌會三不五時仔峯譬相. 毋過我嘛是欲共伊繼續唱落去

天烏烏欲落雨. 阿公舉鋤頭欲鋤路. 嘛會當 uān-nā 唱 uān-nā 跳喔. 人講欲食好魚就近海墘. 好聽的囡仔歌滿滿是. 毋過尚好聽就是這條天烏烏. 毋信各位評判老師恁共試看覓咧. 加唱幾擺仔. 保證予恁唱甲會續喙. 想欲停都停袂落來. 維初一唱到十五.. 攔維月半唱到月底. 自按呢和我同款. 魔音傳腦. 傳入去各位老師的頭殼內地. 今阿日我就講到遮. 時間就愛予椿.. 傷厚話會峯扣分.. 天烏烏欲落雨. 啊~讚啦.. 大家返去試看覓咧蛤... 多謝魯力